

वायै॑ अ॒स्मिन् ह॒विषि॑ मा॒दय॑स्व । यू॒यं पा॑तः स्व॒स्तिभिः  
 स॒दानः॑ । प्र॒जाप॑ते न त्वदे॒तान्य॒न्यः । वि॒श्वो जा॒तानि प॑-  
 रि॒ना ब॑भूव । यत्का॑मास्ते जुहु॒मस्तनो॑ अस्तु ॥ २ ॥  
 व॒यं स्या॑म प॒तयो र॒यीणां॑ । र॒यीणां॑ प॒तिं यज॑तं वृ-  
 ह॒न्तं । अ॒स्मिन् भ॑रे नृ॒तमं॑ वाज॑सातौ । पू॒जाप॑तिं प्रथ॒-  
 म॒जाम॑तस्य । य॒जाम दे॒वम॑धि॒नो ब्र॑वीतु । प्र॒जाप॑ते त्वं  
 नि॒धियाः पु॑रा॒णः । दे॒वानां॑ पि॒ता ज॑नि॒ता पू॒जानां॑ ।  
 प॒तिर्वि॒श्वस्य॑ ज॒गतः प॑र॒स्थाः । ह॒विर्नो॑ दे॒ववि॒हवे॑ जुष॒स्व ।  
 तवे॒मे लो॒काः पृ॒दिशो॑ दि॒शश्च ॥ ३ ॥

प॒राव॑तो नि॒वत॑ उ॒दत॑श्च । प्र॒जाप॑ते वि॒श्वसृ॒ज्जीव॑ध-  
 न्य॒इदं॑ नो दे॒व । प्र॒तिह॑र्य्य ह॒व्यं । पू॒जाप॑तिं प्रथ॒मं य॑-  
 ज्ञि॒यानां॑ । दे॒वाना॑म॒ग्रे यज॑तं य॒जध्वं॑ । स नो॑ द॒दातु॑ द्र-  
 वि॒णः सु॒वीर्य्यं॑ । रा॒यस्यो॑षं वि॒ष्यतु॑ नाभि॒मस्मे॑ । यो रा॒य-  
 ई॒शे श॑त॒दाय॑ उ॒क्थ्यः॑ । यः प॑शूनाः र॒क्षिता॑ वि॒ष्टितानां॑ ।  
 पू॒जाप॑तिः प्रथ॒मजा॑कृतस्य ॥ ४ ॥

स॒हस्र॑धा॒माजु॑षताः ह॒विर्नः॑ । सो॒मा पू॑षणे॒मौ दे॒वौ ।  
 सो॒मा पू॑षणा र॒जसो॑ वि॒मानं॑ । स॒प्तच॑क्रः रथ॒मवि॒श्व-  
 मि॒न्वं । वि॒षूतं॑ मन॒सा यु॑ज्य॒मानं॑ । तं जि॒न्वथो॑ वृष॒णा  
 पञ्च॑र॒श्मिं । दि॒व्यन्यः॑ स॒दनं॑ च॒क्र उ॒च्चा । पृथि॒व्याम॒न्यो